

卷之四

《續修四庫全書》編纂委員會編

續修四庫全書

上海古籍出版社

一二〇七・子部・雜家類

黃氏逸書考二百九十一卷附十一卷（何妥周易講疏至服虔通俗文）

〔清〕黃奭輯……………一

24/50/07

黃氏逸書考二

〔清〕黃奭輯

據清道光黃氏刻民國二十三年
江都朱長圻補刊本影印原書版
框高一三〇毫米寬一九四毫米

漢學堂經解

逸書考

何妥周易講疏

廿泉黃爽學

上經

案集解引何氏止有上經注

乾

天行健

天體不健能行之德健也猶如地體不順承弱之勢順也所以乾卦獨變名為健者宋衷云晝夜不懈以健詳其名餘卦當名不假於詳矣

李氏集解

何妥周易講疏

君子體仁足以長人

此明聖人則天合五常也仁為木木主春故配元為四德之首君子體仁故有長人之義也

同上

嘉會足以合禮

禮是交接會通之道故以配通五禮有吉凶賓軍嘉故以嘉合於禮也

同上

利物足以和義

利者裁成也君子體此利以利物足以合

於五常之義

同上

貞固足以幹事

貞信也君子堅貞正可以委任於事故論語曰敬事而信故幹事而配信也

同上

初九曰潛龍勿用何謂也

夫子假設疑問也後五爻皆放此

同上

子曰龍德而隱者也

此直答言聖人有隱顯之龍德今居初九窮下之地隱而不見故云勿用矣

同上

何妥周易講疏

高而无民

既不處九五帝王之位故无民也夫率土之濱莫非王臣既非王臣則民不隸屬也

同上

潛龍勿用下也

此第二章以人事明之當帝舜耕漁之日

卑賤處下未為時用故云下

同上何楷古周易訂詁

於乾元用九天下治也下引何妥云此第二章以人事明之

見龍在田時舍也

此夫子洙泗之日開張業藝教授門徒自非通舍孰能如此

同上

終日乾乾行事也

此當文王爲西伯之時處人臣之極必須事上接下故言行事也

同上

或躍在淵自試也

欲進其道猶復疑惑此當武王觀兵之日欲以試觀物情也

同上

飛龍在天上治也

何安周易講疏

三

此當堯舜冕旒之日以聖德而居高位在上而治民也

同上

潛龍勿用陽氣潛藏

此第三章以天道明之當十一月陽氣雖動猶在地中故曰潛龍也

同上 古周易訂詁引當十一月至末

終日乾乾與時偕行

此當三月陽氣浸長萬物將盛與天之運自行不息也

同上

或躍在淵乾道乃革

此當五月微陰初起陽將改變故之乃革也

同上

飛龍在天乃位乎天德

此當七月萬物盛長天功大成故云天德也

同上

亢龍有悔與時偕極

此當九月陽氣大衰向將極盡故云偕極也

同上

何安周易講疏

四

乾元用九乃見天則

陽消天氣之常天象法則自然可見

同上

上不在天下不在田

上不及五故云不在天下已過二故云不在田處此之時實爲危厄也

同上

故乾乾因其時而惕雖危无咎矣

處危懼之地而能乾乾懷厲至夕猶惕乃得无咎矣

同上

坤

先迷失道後順得常

陰道惡先故先致迷失後順於主則保其常慶也 同上

文言曰

坤文言唯一章者以一心奉順於主也 同上

需

利涉大川

大川者大難也須之待時本欲涉難既能以信而待故可以利涉大川矣 同上 鄭剛中周易

何妥周易講疏

五

窺餘

彖曰需須也險在前也

此明得名由於坎也坎為險也有險在前不可妄涉故須待時然後動也 同上

比

象曰地上有水比

水性潤不合在地上更相浸潤比之義也 孫氏周易集解 案李氏集解引作何晏

泰

則是天地交而萬物通也

此明天道泰也夫泰之為道本以通生萬物若天氣上騰地氣下降各自閉塞不能相交則萬物無由得生明萬物生由天地交也 集解 周易窺餘

上下交而其志同也

此明人事泰也上之與下猶君之與臣君臣相交感乃可以濟養民也天地以氣通君臣以志同也 同上 周易窺餘

何妥周易講疏

上六

內陽而外陰內健而外順

此明天道也陰陽之名就爻為語健順之稱指卦為言順而陰居外故曰小往健而陽在內故曰大來 同上 周易窺餘

否

則是天地不交而萬物不通也

此明天道否也 同上

上下不交而天下无邦也

此明人事否也泰中言志同否中云无邦

者言人志不同必致離散而亂邦國同上義

每撮要引無首六字

同人

文明以健中正而應君子正也

離為文明乾為剛健健非尚武乃以文明應不以邪乃以中正故曰利君子貞也同上

蠱

象曰山下有風蠱

山者高而靜風者宣而疾有似君處上而

何妥周易講疏

七

安靜臣在下而行令也同上撮要引君在上至末

剝

六五貫魚以宮人寵无不利

夫剝之為卦下比五陰駢頭相次似貫魚

也魚為陰物以喻衆陰也夫宮人者后夫人

嬪妾各有次序不相瀆亂此則貴賤有

章寵御有序六五既為衆陰之主能有貫

魚之次第故得无不利矣同上

復

復亨

復者歸本之名羣陰剝陽至於幾盡一陽

來下故稱反復陽氣復反而得交通故云

復亨也同上

上六迷復凶有災眚用行師終有大敗以其國君凶至于十年不克征

理國之道須進善納諫迷而不復安可牧

民以此行師必敗績矣敗乃思復失道已

遠雖復十年乃征无所克矣同上

何妥周易講疏

八

无妄

乾上震下天威下行物皆絜齊不敢虛妄

也同上撮要

咸

君子以虛受人

虛心受人不間不拒即物來歸已君子之

志也史徵口訣義

升

君子以順德積小以成高大

君子謹習爲先脩習道德積其微小以至

高大口訣義

鼎

鼎元吉亨

古者鑄金爲此器能調五味變故取新以成烹飪之用以供宗廟次養聖賢天子以天下爲鼎諸侯以國爲鼎變故成新尤須常理故先元吉後乃亨通故曰元吉亨也口訣義

何妥周易講疏

九

附錄易正義引何氏

案何晏何遜俱有易注正義未明指其人不知是晏是遜是安今附錄于後以備參考大約出自何妥爲是

子曰上下无常非爲邪也進退无恒非離羣也君子進德脩業欲及時也

何氏云所以進退无恒者時使之然非苟欲離羣也何氏又云言上下者據位也進退者據爻也所謂非離羣者言雖進退无恒猶依羣衆而行和光俯仰並同於衆非是卓絕獨離羣也君子進德修業欲及時

者進德則欲上欲進也修德則欲下欲退

也進者棄位欲躍是進德之謂也退者仍

退在淵是修業之謂也正義君子以下疑是正義語然語氣一貫故竝錄之

蠱元亨利涉大川先甲三日後甲三日

甲者造作新令之日甲前三日取改過自新故用辛也甲後三日取丁寧之義故用丁也正義謂何氏同鄭義

臨元亨利貞至于八月有凶

何妥周易講疏

十

何氏云從建子陽生至建未爲八月

正義上易叢說又漢上易卦圖下引何氏從建丁至建未

上九何天之衢亨

何氏云天衢既通道乃大亨正義

象曰晉如摧如獨行正也裕无咎未受命也

何氏云摧退也裕寬也如辭也正義

九四來徐徐困于金車

何氏云九二以剛德勝故曰金車也正義

繫辭上

何氏云上篇明无故曰易有太極太極即无也又云聖人以此洗心退藏于密是其无也下篇明幾从无入有故云知幾其神乎正義

兩儀生四象

何氏以爲四象謂天生神物聖人則之一也天地變化聖人效之二也天垂象見吉凶聖人象之三也河出圖洛出書聖人則之四也正義 撮要引劉牧轉引

何安周易講疏

十二

又八論第一論易之三名引何氏云易者換代之名待奪之義因於乾鑿度云易者其德也或沒而不論或云德者得也萬法相形皆得相易

又義海撮要困君子以致命遂志引命可致而志不可奪下注何字又鼎彖曰鼎象也引下虛象足中三爻實象腹五虛象耳上實象鉉下注何字又鼎九二鼎有實我仇有疾不我能即吉引居中而應有實者

也二无應而疾之我仇也雖應不我就不失正吉也下注何字又既濟初九曳其輪濡其尾无咎引初陽居下爲用濟之始如車之曳輪狐之濡尾憂不前也然慮患合於備豫故无咎也下注何字

又能過象旨決錄噬嗑六三象曰遇毒位不當也當據何氏平讀謂不能承四也

何安周易講疏

十三

漢學堂經解

逸書考

侯果易注

甘泉黃齋學

上下經

乾

大明終始六位時成時乘六龍以御天

大明日也六位天地四時也六爻效彼而作也大明以晝夜為終始六位以相揭為時成言乾乘六氣而陶冶變化運四時而統御天地故曰時乘六龍以御天也故乾

侯果易注

鑿度曰日月終始萬物是其義也

李氏集解義

海撮要引至從御天地

上不在天下不在田中不在人

案下繫易有天道有地道有人道兼三才而兩之謂兩爻為一才也初兼二地也三兼四人也三兼六天也四是兼才非正故言不在人也同上

坤

戰馬地類行地无疆

地之所以含宏物者以其順而承天也馬之所以行地遠者以其柔而伏人也而又牝馬順之至也誠臣子當至順故作易者取象焉同上

上六龍戰于野其血玄黃

坤十月卦也乾位西北又當十月陰窮於亥窮陰薄陽所以戰也故說卦云戰乎乾是也六稱龍者陰盛似龍故稱龍也同上上易卦圖云侯果謂陰盛似龍漢義古家通節引魏滄易

侯果易注

象曰用六永貞以大終也

用六妻道也臣道也利在長正矣不長正則不能大終隄事也集解

君子黃中通理正位居體美在其中而暢于四支發于事業美之至也

六五以中和通理之德居體於正位故能美充於中而旁暢於萬物形於事業无不得宜是美之至也同上

蒙

家曰蒙山下有險險而止蒙

艮為山坎為險是山下有險險被山止止則未通蒙之象也 同上

需

剛健而不陷其義不困窮矣

乾體剛健遇險能通險不能險義不窮也 同上

訟

利見大人不利涉大川

侯果易注

三

大人謂五也斷決必中故利見也訟是陰

事以險涉險故不利大川 同上 義海撮要引首五字

象曰食舊德從上吉也

雖失其位專心應上故能保全舊恩食舊

德者也處兩剛之間而皆近不相得乘二

負四正之厄也剛不能侵故終吉 同上

象曰復即命渝安貞吉不失也

初既辯明四訟妄也訟既不克當反就前

理變其詔命則安靜貞吉而不失初也 同上

撮要引反就前理二句

上九或錫之鞶帶終朝三褫之象曰以訟受

服亦不足貴也

褫解也乾為衣為言期以訟受服 同上 周易寶

小畜

小畜亨

四為畜主體又稱小唯九三被畜下剛皆

侯果易注

四

通是以小畜亨也 同上

履

象曰眇而視不足以有明也跛而履不足以

與行也

六三兌也互有離巽離為目巽為股體俱

巽正雖能視眇目者也雖能履跛足者也

故曰眇能視不足以有明跛能履不足以

與行是其義也 同上 周易寶引互體

跛眇之象蓋約其義言之

九四履虎尾愬愬終吉象曰愬愬終吉志行也

愬愬恐懼也履乎兌主履虎尾也逼近至尊故恐懼以其恐懼故終吉也執乎樞密故志行也同上周易窺餘象旨決錄

否上九傾否先否後喜

傾爲覆也否窮則傾矣傾猶否故先否也傾畢則通故後喜也同上周易窺餘

侯果易注

五

同人

同人于野亨利涉大川乾行也

九二升上上爲郊野是同人于野而得通者由乾爻上行耳故特曰乾行也同上周易窺餘象旨決錄

象曰同人于宗吝道也

宗謂五也二爲同人之主和同者之所作也有應在五唯同於五過五則否不能大同於人則爲主之德吝狹矣所同雖吝亦

妻臣之道也同上周易窺餘引宗謂五

象曰同人之先以中直也大師相遇言相克也

乾德中直不私於物欲天下大同方始同二矣二四失義而近據之未獲同心故先號咷也時須同好寇阻其途以言相克然後始相遇故笑也同上

象曰同人于郊志未得也

侯果易注

六

獨處于外同人于郊也不與內爭无悔吝也同人之時唯同于郊志未得也同上周易窺餘引末句作爲未得志易義古象通引獨處于外不與內爭故同人于郊无悔同人之時惟同于郊故志未得

大有

象曰厥孚交如信以發志也威如之吉易而無備也

其體文明其德中順信發乎志以覃於物物懷其德以信應君君物交信厥孚交如

也為卦之主有威不用唯行簡易无所防

滿物感其德翻更畏威威如之吉也

同上
易窺餘 撮要引翻更畏威作反更知畏
餘同 象旨決錄引為卦之主至翻更畏
威 易義古象通引柔為卦主至翻更畏
威無所防二字

謙

天道下濟而光明地道卑而上行

此本剝卦乾之上九來居坤三是天道下

濟而光明也坤之六三上升乾位是地道

卑而上行者也

同上 周易窺餘

侯果易注

七

君子以裒多益寡稱物平施

哀聚也彖云天道益謙則謙之大者天益

之以大福謙之小者天益之以小福故君

子則之以大益施大德以小益施小德是

稱物平施也

同上

豫

彖曰豫剛應而志行

四為卦主五陰應之剛志大行故曰剛應

而志行

同上

象曰不終日貞吉以中正也

得位居中柔順正一明豫動之可否辯遲

舍之權宜假如堅石不可移變應時則改

不待終日故曰豫之正吉

同上

九四由豫大有得勿疑朋盍簪

為豫之主眾陰所宗莫不由之以得其豫

體剛心直志不懷疑故得羣物依歸朋從

大合若以簪簪之固括也

同上 晁景迂
簪名冠簪之訓至侯果始有之耳

侯果易注

八

彖曰六五貞疾乘剛也恒不死中未亡也

六五居尊而乘於四四以剛動非已所乘

乘剛為政終亦病若恒不死者以其中也

同上

隨

君子以嚮晦入宴息

坤為晦乾之上九來入坤初嚮晦者也坤

初升兌兌為休息入宴者也欲君民者晦

德息物動說黎庶則萬物歸隨也

同上 象旨決

錄引至入宴無者也二字上嚮晦下亦無者也二字

觀

象曰闕觀女貞亦可醜也

得位居中上應於五闕觀朝美不能大觀

處大觀之時而為闕觀女正則利君子則

醜也

同上

噬嗑

柔得中而上行雖不當位利用獄也

坤之初六上升乾五是柔得中而上行雖

侯果易注

九

則失位文明以中斷制枉直不失情理故

利用獄

同上 周易窺餘節引

象曰雷電噬嗑先王以明罰勅法

雷所以動物電所以照物雷電震照則萬

物不能懷邪故先王則之明罰勅法以示

萬物欲萬方一心也

同上 撮要引雷震電照則萬物不能懷邪

邪

象曰噬膚滅鼻乘剛也

居中履正用刑者也二互體艮艮為鼻又

為黔喙噬膚滅鼻之象也乘剛噬必深噬
過其分故滅鼻也刑刻雖峻得所疾也雖
則滅鼻而无咎矣

同上

賁

象曰賁其須與上興也

自三至上有頤之象也二在頤下須之象

也上无其應三亦无應若能上承於三與

之同德雖俱无應可相與而興起也

同上

易窺餘引自三以上有頤之象二在頤下
須之象也 象旨決錄引同上作至上

侯果易注

十

剝

上九碩果不食君子德車小人剝廬象曰君

子德車民所載也小人剝廬終不可用也

艮為果為廬坤為輿處剝之上有剛直之

德牽小人不能傷害也故果至碩大不被

剝食矣君子居此萬姓賴安若得乘其車

輿也小人處之則庶方无控故剝其廬舍

故曰剝廬終不可用矣

同上 周易窺餘引艮為果為廬

復

剛反動而以順行是以出入无疾朋来无咎

陽上出君子道長也陰下入小人道消也

動而以行故出入无疾朋来无咎矣同上

要引陽上出至道消也

反復其道七日來復天行也

五月天行至午陽復而陰升也十一月天

行至子陰復而陽升也天地運往陰陽升

復凡歷七月故曰七日來復此天之運行

也幽詩曰一之日鶩發二之日栗烈一之

侯果易注

日周之正月也二之日周之二月也則古

人呼月爲日明矣同上撮要引七月七

正月二之日周之二月也幽詩一之日周之

象旨決錄云侯果以幽詩一之日二日

初九不遠復无祇悔元吉象曰不遠之復以

脩身也

祇大也往被陰剝所以有悔覺非遠復故

无大咎以此脩身顏子之分矣同上象

侯果訓爲大

象曰頻復之厲義无咎也

處震之極以陰居陽懼其將危頻蹙而復

履危反道義亦无咎也同上

象曰敦復无悔中以自考也

坤爲厚載故曰敦復體柔居剛无應失位

所以有悔能自考省動不失中故曰无悔

矣同上

无妄

先王以茂對時育萬物

侯果易注

雷震天下物不敢妄威震驚治无物不與

故先王以茂養萬物乃對時而有矣時泰

則威之以无妄時否則利之以嘉遯是對

時而化育也同上

六五无妄之疾勿藥有喜象曰无妄之藥不

可試也

位正居尊爲无妄貴主百姓有過在子一

人三四妄處五乃憂疾非乖攝則藥不可

試若下皆不妄則不治自愈故曰勿藥有